

興國縣志卷之四十二

藝文八



唐詩

太上隱者

答人

偶來松樹下高枕石頭眠山中無歷日寒盡不知年

沽酒

酒盡君莫沽壺傾我當發城市多囂塵還山弄明月

皇甫澈一作澈

中書令鍾紹京

興國縣志

卷四十二

藝文唐詩

一

景龍仙駕遠中禁奸釁結謀猷叶聖朝披鱗奮英節青
宮閭闔啟滌穢氛沴滅紫氣重昭回皇天新日月從容
廟堂上肅穆人神悅唐元佐命功輝煥何烈烈

宋詩

趙抃

字閱道西安人資政殿學士謚清獻有集

送興國令徐師回殿丞

報政方山下分攜贛水濱人蒙百里惠花見四年春親
志樂戲綵家聲高縉紳還期逢慶節慈宴拱嚴宸

題靈山寺

我為靈山好登留到日暝巖幽餘暑雪鐘冷入秋雲篇

詠惟僧助塵煩與俗分明朝入東棹因得識吾文

同趙城司封會靈山亭

寺亭高絕面靈山迤邐羣峯不可攀登賞誰知賢者樂
獄扉空冷訟笥閑

邵知柔 祭酒

東呂太學禎

當時欲殺尙憐才奏稿流傳讀轉哀一寸心丹朝士愕
十分頭白道州回汴京今日猶豺虎陵寢多年沒草萊
聖主不勝嘗膽恨先生無用鶴書催

謝 字昌國新喻人御史中丞理學淵源二卷

興國縣志

卷四十二

藝文 宋詩

二

追和邵祭酒東呂太學

艱危方見救時才一介儒生為國哀六豕奸雄千古恨
二龍奔馭幾時回道州自分填溝壑天詔何煩賁草萊
我識先生心似鐵宸章莫便苦相催

文天祥 字宋瑞廬陵人右丞相信國公文山集

集杜

五月引兵自梅出嶺時贛吉兵皆來會六月大捷於
雩都進攻興國縣縣返正於是駐屯遣大兵攻贛州
又以偏師出吉州贛諸縣皆復號令惟行於城中吉
水永豐萬安永新龍泉以次皆復臨洪袁瑞莫不嚮

應詣軍門聽約束者相繼興國黃州新復皆來請命
汀州有僞天子黃從斬首至府上下翕合氣勢甚盛
天若祚宋則是舉也幸而一捷國事垂成之候也

崕峒殺氣黑北遊灑血暗郊垆薛判官哀笳曉幽咽留花石

壁斷空青西閣

行府偏師出吉州者戰於鍾步不利攻贛兵不幸相
繼而敗行府孤立時處置安撫鄒瀨聚兵數萬在永
豐境行府引兵就之會其軍亦潰而自後追及不可
支雖人謀之不臧殆天意之未順每一念此氣噎欲
絕哀哉

興國縣志

卷四十二

藝文 宋詩

三

東望西江水弟觀高義在雲臺建封到今用鉞地草堂霜鴻有

餘哀金華山

旄頭初俶擾將適江陵義士皆痛憤草堂乾坤空崢嶸畫鶴嚮者

留遺恨空靈犀

元詩

元明善字復初大名清河人翰林學士清河郡公諡文敏

送董慎齋左丞討賊

負劔先驅意氣閒也勝局踏著儒冠古來每說從軍樂
此去不辭行路難使節再臨民志定兵鋒一舉賊心寒
書生奮力效馳逐要寫功名久遠看

劉

字桂翁廬陵人桂隱集

贈蕭克有赴興國稅務

小駐青雲九萬程
塗商里販樂寬平
古來關市多賢哲
盛世舟車少算征
雨漲玉虹灘石減
春深金鯽郡池清
看山攜酒吾曹事
定有新詩許共評

贈何履平偕克有之興國

主賓二美古稱難
笑語輕舟十八灘
幕有仁言官政善
士從知己旅懷寬
文章不肯時科試
山水原須勝士看
想見鬱孤吟賞舊
渚煙汀樹滿毫端

滕

賓

字玉霄睢陽人翰林江西儒學提舉

興國縣志

卷四十二

藝文元詩

四

題東龕諸景前四

讀書岳

巖巖石室激江東
舊隱開元越國公
勝迹不磨遺像在
書聲時落半天風

靈湖石

巖竇中開小有天
蛟龍潛蟄幾何年
不輕奮鬣為霖雨
時傍雲根吐翠煙

筆架山

俯揖前山錯落橫
珊瑚架聳筆花生
我來欲蘸滄浪水
仰首摩天寫太平

銅鑲鯉

洞宮曾此扣銅鑲解却金魚掛壁間一夜風雷大外動
化龍飛去不知還

劉

崧 字子高泰和人
槎翁詩文集

陪陳尹飲江上雨過夜歸明月賦此

渡江雲斷橋把酒風振袂芳園逐幽尋良友適遠至諧
談且云懽酬勸忽已醉一雨洗塵襟千山拂涼翠杯林
旣迴薄蘭渚復延企月轉城東門蕭蕭送歸騎

方邱生自號蒲衣道者由安成武功山避亂贛之
興國邑令陳文彬爲築長春道院以居之

興國縣志

卷四十二

藝文
元詩

五

曾騎黃鶴下青山又憩長春候紫關澗水月明花窅窅
武功雲散草班班偶攜竹杖尋仙去闕著蒲衣採藥還
翠壁丹書如可訪石門鐵鑱定高攀

留別方邱生

道人手把玉芙蓉身著蒲衣瘦似松錦水市中行賣藥
金雞嶺下坐聞鐘養來乳犬能馴虎放得神魚解化龍
塵土滿懷還惜別何年笙鶴定相從

夜宿三台柬楊煉師

三台山祀淨明君香火新從葛井分案上道書秋後寫
空中仙樂夜深聞星垂天近連青野雨過山空起白雲

更有雷壇人不到十年珠樹鶴成羣

贈廖山人月山

問訊青囊客從來衣錦鄉幾年寓禾水何日過茆堂古
墓沉鳧海高門散鹿場平生雙短屐登覽意何長

明詩

趙

沆 字子常休寧人洪武二年召修元史自號東山

贈呂仲善之北平搜訪遺事

龍庭返騎如飛煙真人端拱收中原北平圖籍載連舸
挂一漏萬無完篇妖星夜半躔奎宿山川千載還清淑
國書不使外廷傳翰林青簡空如玉監殷監夏思前車
與國縣志 卷四十二 藝文 明詩 六
詔起羣儒當疾書皇家制作貴傳信未許太史徵無且
舊事遺文更搜訪狼籍幽燕藉君往五車上送見書成
一代興亡如指掌

李克正

字宗頤豫章人禮部尚書

送呂君采史北平

八月烏啼海子橋南來使客下青霄雲埋石室丹書在
日落延秋翠輦遙麟史未全歸聖代龜文猶得認前朝
詞臣載筆需文獻莫遣回車久寂寥

胡

翰 字仲申金華人衢州教授

送呂君采元史北平

又見陳農去遙臨析木墟山川遊幸後文獻亂離餘備
極傳聞異歸從直筆書百年殷監在盡獻玉階除

危

素字太樸金谿人宏
文館學士太樸集

題營邱山房

太岳流芳裔何年徙贛州殊勲思尙父作室表營邱故
國兵戈後空山草木秋穆陵關北路風雪近曾遊

蘇伯衡

字平仲金
華人編修

周伯寧春晴江岫圖爲呂仲善題

尙書襟懷絕瀟洒揮毫往往凌董馬平生一筆頗自珍
數尺新圖爲君寫齊山遙接吳山青碧波萬頃孤帆征

興國縣志

卷四十二

藝文
明詩

七

東風綠徧汀州草總是岐亭離別情一向江南一江北
離情浩蕩嗟何極正如江上之碧波縱有并刀那剪得
當時已足令心愁如今况復隔羅浮掩圖却入高臺望
但見遠海連天流暮歸朝出誰與侶蜃霧蠻煙結悽楚
木棉花落鸚鵡飛苦竹叢深鷓鴣語

劉

崧再
見

題平川雪霽圖爲張用可縣丞賦

南天北風暗吹雪川上遙峯互明滅雲陰欲墜曉光迷
河流不動層冰結魚龍下蟄深澤冷鴻鵠啼饑眼流血
千邱萬落連蒼莽驚沙枯樹相淒切行人稍出皴手足

悵望林居總愁絕我家邈在武山東屋前石岸多青楓
野橋渡溪沙路遠皆與此圖風景同窮年念此政欲返
寒色恍人虛庭中長鑱斲藥崖谷滑短褐負薪環堵空
閉門且爾暫投息會見日出光曨曨

題山水圖贈興國高多營將黃進賢

遠山亭亭削蒼玉近山盤盤出平麓林生作此最奇絕
白日高堂坐空谷谷中出雲雲上天深林曲澗迴清妍
綠蘿初挂紫岩雨碧樹盡含秋浦煙北屯將軍舊知己
看畫尋幽心獨喜爲卷窓間一片雲送君更渡藍陂水
藍陂山前霜葉黃亂峯刺天如劔鋸何當盡掃豺虎穴
興國縣志

卷四十二

藝文
明詩

八

與子巢雲歌鳳凰

出長逕藍陂

行人三五度回溪亂後人家井竈迷蒼耳黃蒿無路入
斷垣細雨鶉鳩啼

度嶺

蘆葉蕭蕭亂壓頭石攢山擁路如鉤陰沉不見天邊日
鳥自喧啾水自流

茅坪

斷壟荒岡少樹林翩翩何許一幽禽欲棲不定還飛去
白葦黃茅秋正深

小莊

老虎廟前溪水長白羊坪下晚山蒼到家未遠心先近
指點行人問小莊

相石

追騎東來咫尺間六丁擣斥下孱顏義旗有道從容去
雄劔無光悵望還拔地雲凝千古怪當關壁立萬夫閒
誰爲滅宋鐫岩石羞殺當年海上山

寄贈陳侯短歌并柬項性高陳宗舜

陳侯昔尹興國時爲政喜尙清而夷訟庭無人山鳥下
吟鞭且挂甘棠枝聞君佳譽喧兩耳玉樹亭亭照秋水

興國縣志

卷四十二

藝文
明詩

九

至今父老稱誦之滿縣春風送桃李錦袍羽箭烏角弓
身騎官馬如飛龍只今出入宰相府帳下貔虎皆驍雄
羨君多才仍好武輕騎能衝陣如雨酒酣肝膽向人傾
起拂吳鉤坐中舞我有狂客陳邨民爲言昔者長相親
幕賓况有項文學安得一見清心塵激江沙晴秋草綠
却望崆峒歌伐木王郎定棹酒船過我行不歸將奈何
將歸南平賦別羅斗明

五月辭滕閣南船遇北風故人一相見乃在大湖東湖
東無數垂楊樹執手殊鄉驚忽聚迴歌沽酒豫章樓且
復維舟爲君任憶我行年遊潞川城南日出花如煙龍

王潭上釣秋水太傅巖前聽瀑泉洞門盤盤萬松引更
愛靈山石如筍當時題句最思君南海雲濤隔飛隼何
年海上却東歸棲息瑤岡掩素扉春雨歌殘紫芝曲秋
風吹老綠羅衣南州蕭瑟風塵起躍馬提兵從此始野
狐不敢向南號寶石峯前陣如蟻知君卓犖負奇才離
亂相逢心眼開繡衣使者入閩海攬轡定覓君同來龍
沙吹雪日欲落旌陽仙居久寂寞人生富貴徒爾爲須
把高懷付斟酌我有古劍青芙蓉起舞莫惜千鐘空明
日開帆上江去思君却望水西峯

聞贛已被圍而東固大坑又合兵攻興國有懷伯

興國縣志

卷四十二

藝文
明詩

十

氏子中寓贛縣之禮原阻亂不得歸

歎息荆花樹今年好遠遊路從兵後斷書是亂前收漂
泊從誰問艱危信自謀時時驚夢見不解說離愁

再懷伯兄子中時有同客興國者從間道先歸兄
以道阻後期不果

貧賤輕離別艱危昧死生獨遺同里伴仍阻異鄉程愛
想深山憇愁聞間道行幾時秋樹下慰此淚縱橫

秋夕懷一兄及四舍弟時俱客興國縣山川阻修
音問邈然二首

豈謂無家別三人各遠方已嗟甘旨薄翻覺道途長激

水風湍白瑤岡霧樹蒼書來定早晚莫遣鴈相將
好在程溪上月高愁掩扉也應念行客獨自對清輝細
草露初白高河雲正稀庭前紫荆樹歸夢故依依

令公巖送張廷亨歸興國

令公讀書處歸去又殘冬潭冷魚依石巖深鶴護松穿
雲窮望眼踏雪記行蹤明日平川道相思隔萬峯

送芳上人遊興國清涼寺併柬竹間禪伯

又飛雲錫度林關好去清涼第一山寶氣定隨樓閣現
禪心長共水雲閑幡幢說法千華裏鉢鉢看經萬竹間
從此巖棲相見少肯將詩句落塵寰

興國縣志

卷四十二

藝文
明詩

十一

陳

謨字一德泰和
人海桑集

甲辰九日遊興國靈山寺簡同遊

車馬爛輝光登臨向上方攢雲衆峯直引路萬松蒼澗
底蒲茸白籬根栗葉黃爽猶宜羽扇晴復麗羅裳縹緲
雲闕峻岩堯石徑長雜花明亂草好鳥隔幽篁漸近精
藍域俄聞洞水香棟梁何翠翠金碧極煌煌崖裂獅初
嘯巒迴象欲狂鯉魚新上水靈鼠舊依倉四句皆
山形石筍
何年長池蓮此日荒鐵船歸瀚海方竹壓瀟湘瀑散晴
空雨林含伏日霜行雲走神女卧鉢隱龍王一紀長離
亂叢林半在亡如何超劫劫獨此見堂堂喜挹清河旁

兼承入幕郎風流同茂宰嘯詠及重陽杯紫浮萸烈甌
虛插桂芳高僧慣賓客才子盛文章壁怪前題漫游疑
後日忘少陵多秀句偏在贊公房

乙巳正月攜家自永豐蕭原鄭大中氏復歸平川

雪晴郊行分得數字因用述懷

冀飛窮孟陬鴉喜喧晴宇食罷澹無營意行愜幽趣章
縫六七人諧笑雜今古出行仍關市負郭皆樂土霜留
草頭花雪落松梢雨山翠掃嬌娥水光搖浴鷺梅殘驚
縹蒂柳弱未金縷縱橫野人廬大半無外戶皆云縣官
好所病在軍旅近因哨糧卒出沒甚虓虎劫財野爲青

興國縣志

卷四十二

藝文
明詩

十三

殺人血漂鹵以此不有■全家入城任縣官極保障郭
外今安堵官軍多下流執訊繫長組向來劉表鷹化爲
張湯鼠家人尙未還賓主闕茗具昇平亮可復籬落勤
遮護桑柘卽抽萌鶯鳴尙多數芳菲亦未通笑指桃李
樹乘除理則然甘苦要相補我從去年秋不得戀墳墓
避地來平川誓將遠抄虜淒涼填與篋白髮走歲暮彼
各天一方鱗鴻杳無據前登胡公山似蠟緣壁度懸崖
臨不測仄徑憂跌仆竦身膽爲掉况敢一下顧喘噎投
邨家邨家亦寇伍危言相恐迫云此難久駐喚兒自束
髮導客從兒去所利客資囊奪攘俟中路我家一伯指

幸不罹此罟脫身走鄭鄉奔竄泥沒股鄭公素長者見
客深慰撫薪米旣幸周時亦分酒脯草菅藉地温伏枕
且無慮新年返平川復此名勝聚自聞野人言驚悚狂
欲舞縣官希魯卓才子追沈杜深懷五色筆隨意數行
醕清吟勿體拘占韻實齒序藹藹春雲垂泠泠石泉語
志喜亦未然姑將記愁苦

乙巳除夕次蕭極初韻

歲寒不作還家計倚遍仙人十二闌霜淺臘梅殊草草
苔深墨竹却桓桓時彈焦尾清還絕不酌流霞興自寬
二友風流知我者恥將心事學馮驩

興國縣志

卷四十二

藝文
明詩

十三

題呂仲善所藏汪水雲草蟲卷子

卷中百蟲各極情態而終以大小數鴈豈所謂
江南破百鴈來乎水雲寓黍離之感於畫圖觀
者淒斷

瑤琴理罷松風長嬾上湖船看歌舞行雲流水有心期
野草閑花各天趣紛紛蟲羽恣飛揚散入毫端無遯處
尋香逐艷何從來含睇凝情如欲語黃荃崔白稱好手
研吮朱鉛眩童豎不肥不瘦潤有餘墨暈生春獨清楚
春蘭翛然如處女短不出叢秀眉嫵夏芷仙人白紵袍
長身玉立風生宇何當石根容我步烏紗筇竹從容賦

漆園蒙莊知道者夢裏化爲蝴蝶去蘧蘧栩栩情態多
什什伍伍花間任顛魂無定抑無歸粉翅織紋細如許
象房守宮半夜走玉帳佳人成白首絡緯蕭條蟋蟀寒
山河已落他人手籬根冉冉牽牛花瓜蔓藤枝亦何有
西湖清淺綠荷彫畫橋隱約春風柳海潮不至天日傾
七寶金鞭從北狩雙雙朔鴈俱南翔莓苔菰米連瀟湘
飛鳴宿食各自得豈有矰繳仍須防道人蒿目難爲傷
銅仙淚盡天亦荒琴歌旣斷賦無續畫圖彷彿存興亡
平川呂氏好古者不鄙謂予題此畫忽憶秦皇漢武年
萬事輪雲如走馬

興國縣志

卷四十二

藝文
明詩

十四

題營邱山房圖

稷下古諸姜營邱小洞房鄰存鍾令宅里似鄭公鄉亂
後蓬蒿長春歸棣萼芳每從黃髮老最譽白眉郎一室
如函史羣書自大方移床分竹影掃壁散芸香輪鞅莓
苔外鳧鷖几席傍歌商懷考父玩易到羲皇建業看圖
畫平川隔水鄉參差多點染窈窕極蒼茫山勢元宗岱
溪流想釣璜高秋憑虎踞何處覓鷹揚

葛洪丹井

豈復風流似葛洪尋仙還到紫陽宮遙聞環珮鏘雲表
尙想丹砂浴井中白髮那能生羽翼蒼生坐待起疲癯

銀瓶素縷中宵汲怕有蟠龍解噴風

和友人韻

霜林紅葉有妍華出郭幽尋興自賒蒼耳草深非故道
牽牛花好是誰家雞羣野鶴嵇中散鵬背天風蔡少霞
邂逅平川同逆旅時時踏屐響晴沙

劉郎清賞何乃違休日復自扃柴扉橋邊無人理黃石
天上有星尊少微薜荔暗侵揚子宅鳩鵲長占少陵磯
日斜桐葉題詩罷頭戴黃鴉緩緩歸

黃仲宏捧詔至平川却回贛兼懷諸友

崆峒山翠似金華坐使初平不憶家香染紫泥隨綵鳳

興國縣志

卷四十二

藝文
明詩

十五

花簪白髮麗烏紗平川對酒松風薄貢水看雲鳥道賒
痛飲讀騷空有約長歌伐木興無涯

解

縉字大紳吉水人侍
讀學士解春雨集

與凝節去興國

平川學遶冬青樹去逐青箱賦子衿受業幾年知寸益
娛親一飯值千金瓊梅桂月烏啼早廬阜松雲鴈去深
遙想扁舟同處處不堪迢遞更追尋

唐子儀

名文鳳以字行歙
縣人興國知縣

題靈山十二景

引路松

蒼松夾道龍髯怒常引遊人幾朝暮神僧肯許斧斤尋
况予特遣山靈護疎陰亂落晴雲堆重重滿地掃不開
小童久立候歸錫一雙白鶴驚飛回

雲關亭

危亭踈立高倚山紅塵不到白雲關鉢盂氣吐伴龍伏
經函影護留鶴閑一聲幽響破禪寂學道九年空面壁
有時幽眴坐來深霏霏細雨袈裟濕

鉢盂峯

天地鴻濛久開闢知有神僧此留錫圓峯形狀同覆盂
萬古巍然著奇跡愚公用力不可移鬼工獻巧那得施
直恐降龍在其下晴雲冉冉微風吹

興國縣志

卷四十二

藝文
明詩

六

石筍峯

尖尖峨峨如筍長高標那放凌蒼蒼千年風雨不成竹
只訝籜龍頭角藏玉版禪師人不識石頭路滑行難得
森羅何似錦棚兒雲吐風吹倚天碧

伏虎巖

空巖奇偉如伏虎猛勢猙獰自今古陰陽二氣幻此形
留與神僧傳佛祖頭城尾旌徒自豪寒雲落日風蕭騷
幾回出定坐清夜長嘯不聞山月高

水月亭

禪宮有亭占幽境要識水月光中影涼波浸透禪心清
寒輝照破寒夢醒明明此性皆圓通水流在碧月在空
誰能悟此因指見一滴已續曹溪宗

玉珠泉

石竇流泉瀉寒玉激石崖懸灑飛瀑是中疑有蛟龍眠
噴出驪珠三萬斛輕跳亂撒難再求相看泣對鮫人愁
山僧漱嚙諷經罷冰簾夜挂明月秋

環碧亭

碧山碧水環四周危亭據此真清幽陰雲千層昏白晝
清波數畝漾龍湫欄杆笑拍閑徙倚恍然自悟西來旨

興國縣志

卷四十二

藝文
明詩

七

山僧坐久衲衣寒一片禪心吹不起

白蓮池

小池緒水涼波窄淨室亭亭瑞蓮白非紅非青異尋常
自悟宗承空是色何人結社來此遊陶公自是攢眉愁
高僧豈無遠公輩老我朝簪當早投

芭蕉洞

芭蕉種成陰作洞九夏涼生禪榻凍誰言脆質不禁秋
大葉披披搖翠鳳禪餘坐對情依依題詩寫遍日暮歸
幾回吟罷心境寂碧色遙映袈裟衣

月池

水池水漾似磨鏡秋月沉波寒影浸乾坤清氣許誰知
長照禪心清入定鉢盂降龍夜不眠潛形出谷驪珠圓
廣寒宮闕不可到波神拱揖吳剛仙

釣橋

斷崖奇石險無路棧接橫橋人可渡縻繩架木似懸空
勢態凌兢每懷懼何當剗削大道平金井昔日煩五丁
山僧飛錫自來往不須羽翰翔風輕

題東龕十景

讀書巖

女媧煉遺補天石六丁下鑿開巖室山靈訶護不敢居

興國縣志

卷四十二

藝文
明詩

文

留與中原貯秘籍至今猶聽唔咿聲罡風吹度淵龍驚
白雲萬古封故迹汗青歷歷留芳名

試劍石

怪石兩分自中斷形勢巍峩色蒼紺令公試劍劍有神
應識當年平內難鋒鈍不須耀雪霜匣藏三尺紫電光
若教砥礪剗犀兕空使李廣彎弧長

筆架山

雨沐蓮峯青朶朶移來宜付中書卧東溟爲硯雲爲箋
寫遍長天愁欲破令公手攜登玉堂鳳池波浸山蒼蒼
龍蛇鸞鶴有神助九霄夜貫晴虹光

石筍峯

尖石巋然疑筍出絕似龍孫起雷蟄草如籜解春雨香
樹若脂凝曉雲濕山鬼忍饒不敢鋤頭角故倚青天孤
何年成竹結丹實鳳凰飛來啣瑞圖

石舫

無帆無楫空類舫不經江漲波濤漾當年已辦濟川功
留得遺形巖石上縱令百丈那可牽高歌擊節時扣舷
雲流如水疑欲泛桑田滄海多變遷

練泉

兩股寒泉交互絡圍繞山腰遭束縛金鎖朝垂鐵石懸
興國縣志

卷四十二

藝文
明詩

九

玉繩夜浸銀河落當年會繫內難兇至今千古流無窮
我來泚筆寫奇句一條噴雪飛晴空

銅鑲鯉

放生湖中有金鯉身帶銅鑲弄清泚多年變態化神龍
三十六鱗雲氣起已能濟世成甘霖汪波涵育德澤深
霧鬣茫茫不復見千年空負琴高心

東龕寺

東龕古刹寄巖麓令公讀書有遺躅瑟瑟風語龍髯松
瀟瀟雨敲鳳尾竹流傳香火將千秋長鐘暮鼓雲悠悠
鸞笙鶴駕碧霄遠神歸故國應遠遊

甕潭

空潭形圓小如甕寒泉注滿波紋動秋蟾落影如明珠
夜永驪龍常起弄若能變化葡萄醅酣飲吏部應時來
黃庭內丹日曠漱青山猿鶴無驚猜

瀑布泉

百尺飛泉如瀑布直瀉懸巖幾朝暮氣迷雲縷鮫綃垂
光射冰簾月鈎露當年為挽錦袍仙好詠銀河落九天
東龕洞口流不歇千古界破蒼山煙

董

越字尚矩寧都人南京工部尚書諡文僖圭峯集

送劉上舍歸興國

興國縣志

卷四十二

藝文
明詩

二十

碧梧修竹秀娟娟共說名家有後賢璧水且聆揚子鐸
雲衢還著祖生鞭離亭木落秋風後古道楊垂夕照邊
歸拜而翁應念我為言雙鬢欲皤然

鍾

瓘字良玉號西坡永豐人咸寧知縣蚤秋漫稿

和長教袁先生

孔思周情寄一氈春風時雨自年年杜陵慣糴太倉米
顏氏非無負郭田仕路半生心似水故鄉何處海連天
不應昨夜還家夢已逐元真覓釣船

時輩紛紛蟻慕羶先生獨冷獨稱賢池芹夜雨青於染
壇杏春風香滿氈天地虛舟何處著文章心印定誰傳

相逢相慰還相笑此去須尋葛稚川

酒病詩魔不可禁杏花壇上坐春陰紫芝無處尋商隱
綠綺有時空越吟蘭漿煙波南海路草堂風物北山岑
遙知千載雲林下多少交遊想盍簪

蠻觸蝸分卒未休豈知名利只如漚幾人真有揚州鶴
一炬今無赤壁舟自古鄉評空月旦誰人史筆繼春秋
君心不解如鈎曲且向人間作醉侯

一日鄉心幾萬回水邊林下憶徘徊懸知白壁無多價
頗惜黃金有舊臺浩沕風濤悲灑灑蒼茫雲海隔蓬萊
桂花香裏芙蓉老憑仗江梅好好開

興國縣志

卷四十二

藝文
明詩

三

放浪形骸數十年生憎傀儡被人牽青雲早自騫孤翼
赤手親曾障百川見說商山芝似草從教太華藕如船
丁寧且與琴書約早晚歸裝下古虔

劉

鴻字雲表泰和人七星集

遊東龕龍潭

兩巖高竝此中奇越國他年恐未知霖雨合呼龍卧起
山花休笑客來遲笙簧滿澗非前水苔錦封題定後碑
踏破煙嵐飛雨脚仙蹤何日更相期

飲鳳岡勉蕭生敬德

刪後篇章久覺稀今朝仍見賦緇衣丈夫未可輕年少

老大居然見昨非
風飽秋高鵬翮健
雷驚春浪鯉魚飛
鳳毛原在鳳岡上
五色雲中振羽儀

怡萱歌爲興邑呂紹經紹武作

今日天色好春風
扇高堂佳兒立東序
步履何踳踳身
著斑斕衣口誦南陔章
佳婦出中閨環珮聲鏘鏘
升堂拜慈母長跪進壽觴
攜兒環膝下願母開顏光
撫景正娛樂感舊還悲傷
昔聞黃鵠歌弔影岑寂鄉
青銅照肝膽皓齒嚼冰霜
悲風滿竹榻明月懸洞房
長機復短杼切切稱未亡
諸孤各漸長屋濶家益昌
兒能養老母婦能奉姑嫜
今朝華堂燕取醉百不妨
崢嶸貞節母作善興國縣志

卷四十二

藝文
明詩

三

能致祥似持左手券
取給於蒼蒼清朝崇節義
激勸有典常明明聖天子
賢守牧是邦風化非細務
安得久遺志

海

瑞字汝賢瓊州人左都御史諡忠介備志集

贈蕭珏

曾向石蓮覓靜機
雲根結社自希夷
鏗然不盡春風味

曲高山遇子期

唐邦佐

字惟良蘭溪人光州知州

夏日盛大尹邀飲龍華菴

有約尋僧並出城
葛衣竹杖陟山輕
分明鐘鼓從空落

繚繞川原入眺平雲護龍宮晴亦濕石開禪榻暑還清
憑虛抖擻塵襟淨不負南征是此行

龍菴迥結倚雲端石徑紆迴車馬難攜酒臨空煩地主
有僧對客坐蒲團斜陽鳥度千林暝峭壁風生五月寒
醉倚危欄遙指點片雲直北是長安

吳宗周

字熙偉號嶼梅福建
南安人鄭州知州

大乘寺鐘

疎鐘何處響玲瓏奇跡飛來自紀宮敲動頻開千戶曉
傳餘吹度五更風

橫石灘

興國縣志

卷四十二

藝文
明詩

三

磯石縱橫並虎蹲駛流瀕洞躍龍門怒濤溘溘山皆應
似激風雷遠近奔

李天敘

廣西人興
國知縣

東龕雜詠

存六
首

讀書巖

紅透疎櫺日正東淒淒芳草憶鍾公山禽猶識讀書韻
時向巖前噪曉風

試劍石

當年洞口試霜鋒石上曾遺切玉蹤却笑孫劉分很石
自攜神劍混唐封

靈湖石

石窟丹成火欲然湖光射日浸重淵巖雲忽作三更雨
又是壺中一樣天

筆架山

玉峯次第插天青俯視三江一硯平想是仙翁曾閣筆
朝朝此處有雲橫

銅鑲鯉

昨夜風雷起碧潺錦鱗何事去仍還山靈為惜神奇助
故與銅鑲挂壁間

瀑布泉

興國縣志

卷四十二

藝文
明詩

七

飛流萬丈挂層巒潑眼還如瀑布看莫是銀河原有漏
九天直瀉白漫漫

歐陽鉉字子玉廬陵人野獲園集

早渡興國江

積水浮無際舟隨四面通江聲喧樹裏帆影亂雲中岸
列青青草人披習習風憶來寒復暑客路尚飄蓬

劉勉之吉水人

鶴林寺

崇寧宋室有遺踪梵刹清幽傍碧峯棲老松巢看院鶴
吸乾硯水聽經龍不塵僧榻日長照無鎖禪關雲自封

淡墨數行留壁上後來誰把碧紗籠

張爾期

吉水人

前題

鶴林寺裏夜鳴鐘百八聲傳度遠松人在翠微深處卧
一時詩思落前峯

興國縣志

卷四十二

藝文
明詩

三五